

PEMBERITAHU PERTANYAAN DEWAN RAKYAT

PERTANYAAN : LISAN

DARIPADA : Y.B. DATUK WEE JECK SENG
[TANJONG PIAI]

TARIKH : 4.11.2014

SOALAN :

Datuk Wee Jeck Seng [Tanjong Piai] minta **MENTERI PENDIDIKAN** menyatakan statistik pelajar lepasan sekolah sukan yang tidak mendapat peluang pekerjaan dalam bidang sukan.

JAWAPAN

Tuan Yang di-Pertua,

Untuk makluman Ahli Yang Berhormat, atlet murid yang telah tamat Tingkatan 5 di Sekolah Sukan Malaysia (SSM) dan masih terlibat dengan program Pelapis dan Elit bersama Majlis Sukan Negara (MSN) dan Persatuan Sukan Kebangsaan akan meneruskan pengajian mereka ke peringkat Prauniversiti di sekolah Sukan Malaysia, iaitu Sekolah Sukan Bukit Jalil, Kuala Lumpur dan Sekolah Sukan Tunku Mahkota Ismail, Johor. Atlet yang terlibat dalam program ini akan menerima elaun, namun jumlah elaun yang diterima adalah berbeza mengikut persatuan sukan masing-masing.

Kementerian Pendidikan Malaysia (KPM) sentiasa bekerjasama dengan agensi kerajaan lain khususnya Kementerian Belia dan Sukan dengan menyalurkan maklumat seperti rekod *School Leavers* (*dengan izin*) mengenai tahap pencapaian atlet. Program Pembangunan Sukan

Sekolah, Majlis Sukan Negara, Kementerian Belia dan Sukan sedang berusaha menyelaras dan mengenalpasti atlet-atlet sukan yang berpotensi dan akan meninggalkan bangku sekolah, agar tidak terus terkubur bakat mereka sama ada dalam bidang sukan maupun akademik. Dalam hal ini KPM berpandangan bahawa kita perlu melahirkan jaguh-jaguh sukan yang bukan sahaja hebat di atas gelanggang, tetapi juga berdisiplin dan berilmu pengetahuan. Sehubungan itu, kelonggaran diberi kepada atlet kebangsaan untuk kemasukan ke institusi pengajian tinggi awam (IPTA) dengan syarat paling minimum.

RJM87